



Broj: T18 0 KT 0018201 24

Brčko, 18.06.2025. godine

Optužnica potvrđena dana 20.06.2025.godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, p o d i ž e m:

O P T U Ž N I C U

Protiv:

L. A., zv. „L...“, rođen 2001. godine u Brčkom,

Što je:

1. Dana 23.11.2024. godine, oko 14:50 časova, u naselju ... broj ..., u kući koja je vlasništvo S. L., njegove majke, a koju koristi njegova pratetka S. H., svjestan da nasiljem, drskim i bezobzirnim ponašanjem ugrožava mir, tjelesnu cjelovitost i duševno zdravlje svoje majke S. L., što je i htio, nakon verbalne rasprave sa majkom i pratetkom, u nekoliko navrata fizički nasrnuo na svoju majku S., galameći i razbijajući namještaj, uređaje i ostale stvari po kući, prijeteci da će kuću zapaliti, kojom prilikom je otvorenom i zatvorenom šakom udario svoju majku S. u predjelu njene lijeve ruke, nanijevši joj tako laku tjelesnu povredu u vidu nagnječenja četvrtog prsta lijeve šake,

dakle, nasiljem, drskim i bezobzirnim ponašanjem ugrozio mir, tjelesnu cjelovitost i duševno zdravlje člana svoje porodice,

2. Dana 23.11.2024. godine, oko 15:00 časova, u naselju ... broj ..., u kući koju koristi i u kojoj živi S. H., prilikom rasprave sa S. L. i S. H., svjestan da S. rukama može lako tjelesno povrijediti, što je i htio, istoj otvorenom i zatvorenom šakom zadao udarac u predjelu njene lijeve ruke, kojom prilikom je S. zadobila laku tjelesnu povredu u vidu nagnječenja lijeve podlaktice,

dakle, drugog lako tjelesno povrijedio,

3. Dana 01.12.2024. godine oko 01,50 časova, u ulici ... br. ..., Brčko distrikt BiH, s ciljem pribavljanja protivpravne imovinske koristi, svjestan da oduzima tuđu stvar, što je i htio, došao do sportske kladionice „Sport Plus“, te upotrebom fizičke snage i komadima stvrdnutog betona razbio staklo na ulaznim vratima kladionice i kroz načinjeni otvor ušao u unutrašnjost iste, odakle je iz ladice pulta oduzeo jednu kovertu bijele boje u kojoj se nalazio novac u iznosu od 730,00 KM, nakon čega se udaljio u pravcu naselja Novo Brčko, čime je za sebe pribavio protivpravnu imovinsku korist u iznosu od 730,00 KM, a za isti iznos oštetio vlasnika sportsku kladionicu „Sport Plus“,

dakle, obijanjem došao do stvari iz zatvorenog prostora i oduzeo ih drugome s ciljem da njihovim prisvajanjem pribavi sebi protivpravnu imovinsku korist,

4. Dana 01.12.2024. godine, oko 06.00 časova, u ulici ... br. ..., Brčko distrikt BiH, s ciljem pribavljanja protivpravne imovinske koristi, svjestan da oduzima tuđu stvar, što je i htio, došao do sportske kladionice „Sport Plus“, te upotrebom fizičke snage i cigle razbio staklo na ulaznim vratima, na kojima je potom udarcima nogom proširio otvor kroz koji je ušao u unutrašnjost iste, odakle je iz ladice pulta oduzeo jednu kovertu bijele boje u kojoj se nalazio novac u iznosu od 1.680,00 KM, nakon čega se udaljio u pravcu Centra za socijalni rad, čime je za sebe pribavio protivpravnu imovinsku korist u iznosu od oko 1.600,00 KM, a za isti iznos oštetio vlasnika sportsku kladionicu „Sport Plus“,

dakle, obijanjem došao do stvari iz zatvorenog prostora i oduzeo ih drugome s ciljem da njihovim prisvajanjem pribavi sebi protivpravnu imovinsku korist,

5. Dana 07.12.2024. godine, oko 01.45 časova, u ulici ... br. ..., Brčko distrikt BiH, s ciljem pribavljanja protivpravne imovinske koristi, svjestan da oduzima tuđu stvar, što je i htio, došao do sportske kladionice „Sport Plus“, te upotrebom fizičke snage i čekića razbio staklo na ulaznim vratima, načinivši otvor kroz koji je ušao u unutrašnjost iste, odakle je iz pulta oduzeo novac u iznosu od 130,00 KM, nakon čega se udaljio u pravcu gradskog parka, čime je za sebe pribavio protivpravnu imovinsku korist u iznosu od 130,00 KM, a za isti iznos oštetio vlasnika sportsku kladionicu „Sport Plus“,

dakle, obijanjem došao do stvari iz zatvorenog prostora i oduzeo ih drugome s ciljem da njihovim prisvajanjem pribavi sebi protivpravnu imovinsku korist,

6. Dana 10.12.2024. godine, oko 01.15 časova, u ulici ... broj ..., Brčko distrikt BiH, s ciljem pribavljanja protivpravne imovinske koristi, svjestan da oduzima tuđu stvar, što je i htio, došao do sportske kladionice „Bet Ole“, te upotrebom fizičke snage i čekića razbio staklo na ulaznim vratima, nakon čega je lijevom nogom udario po staklu kako bi proširio otvor, kroz koji je potom ušao u unutrašnjost kladionice, odakle je iz ladice pulta oduzeo izvještaj i dvije bilježnice s oznakom „Bet Ole“, vjerujući da se u navedenim predmetima nalazi koverta s novcem, nakon čega se udaljio u nepoznatom pravcu,

dakle, obijanjem da dođe do stvari iz zatvorenih prostorija, pokušao oduzeti tuđu pokretninu drugome s ciljem da njenim prisvajanjem pribavi sebi protivpravnu imovinsku korist,

7. Dana 02.04.2025. godine, oko 00.14 časova, došao do zadnje strane poslovnog objekta Zlatara i srebrnarnica „Kvik“, koja se nalazi u ulici ... broj ..., Brčko distrikt BiH, te s ciljem pribavljanja protivpravne imovinske koristi, svjestan da će oduzeti tuđe stvari, što je i htio, savladavanjem prepreka popeo se na krov navedenog

objekta, sa kojeg je uklonio dva crijepa i kroz načinjeni otvor ušao u njegov tavanski prostor, odakle je potom pokušao ući u unutrašnjost navedenog objekta, na način da je upotrebom fizičke snage i čekića sklonio dio aluminijumskih letvi, kojom prilikom je ošteti jednu od njih, nakon čega je, kroz načinjenu rupu na plafonu, koji djeli tavanski i unutrašnji prostor, provukao ruku, kojom prilikom je došlo uključivanja protivprovalnog alarma, zbog čega se odmah udaljio s lica mjesta, pri čemu nije završio započeto djelo,

dakle, provaljivanjem da dođe do stvari iz zatvorenih prostorija, pokušao oduzeti tuđu pokretninu drugome s ciljem da njenim prisvajanjem pribavi sebi protivpravnu imovinsku korist,

8. Dana 07/08.04.2025. godine, u noćnim satima, došao do neobezbjedene zgrade u izgradnji, koja se nalazi u blizini Evropskog univerziteta, u ulici ..., Brčko distrikt BiH, te s ciljem pribavljanja protivpravne imovinske koristi, svjestan da oduzima tuđe stvari, što je i htio, ušao u unutrašnjost navedene zgrade, odakle je oduzeo jedan mikser marke „Villager“, crno-zelene boje, neutvrđene vrijednosti, vlasništvo S. S., hilti bušilicu marke „Tomson“ crvene boje, jedan produžni kabal žute boje, jedan produžni kabal bijele boje, jedan produžni kabal bijele boje sa led reflektorom, kantu bijele boje s natpisom „Bekament“, ukupne vrijednosti oko 300,00 KM, vlasništvo firme „Kurtović“ d.o.o. Brčko, čiji je zastupnik H.K., oko 20-30 metara elektro kabla, vrijednosti oko 300,00 KM, vlasništvo firme „DVR Elektro“ Brčko distrikt BiH, čiji je zastupnik M. H., dvije česme za tuš marke „Valvex“ i dvije česme za umivaonik marke „Valvex“, kutiju kutnih ventila marke „Kovina“ i jedan vodomjer, ukupne vrijednosti oko 570,00 KM, vlasništvo firme „Ravkić - Instalacije“ Brčko distrikt BiH, čiji je zastupnik R. R., čime je za sebe pribavio protivpravnu imovinsku korist u navedenim iznosima, a za isti iznos ošteti vlasnike oduzetih predmeta,

dakle, tuđe pokretnine oduzeo drugome s ciljem da njihovim prisvajanjem pribavi sebi protivpravnu imovinsku korist,

čime je pod tačkom 1. učinio krivično djelo Nasilje u porodici iz člana 218 stav (1) Krivičnog zakona Brčko distrikta BiH, pod tačkom 2. krivično djelo Laka tjelesna povreda iz člana 170 stav (1) istog zakona, dok je pod tačkama 3., 4. i 5. učinio produženo krivično djelo Teška krađa iz člana 281 stav (1) tačka 1) u vezi sa članom 55. Krivičnog zakona Brčko distrikta BiH, a pod tačkom 6. i 7. počinio krivično djelo Teška krađa u pokušaju iz člana 281 stav 1) tačka 1) Krivičnog zakona Brčko distrikta BiH u vezi sa članom 28 istog zakona, dok je pod tačkom 8. počinio krivično djelo Krađa iz člana 280 stav 1) Krivičnog zakona Brčko distrikta BiH u vezi sa članom 55. istog zakona, a sve u vezi sa članom 54. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
